

Kejohanan Balapan dan Padang Sekolah-Sekolah Labuan Bermula



29 Mac 2017 – Maitah badudun ke Kejohanan Balapan dan Padang Majlis Sukan Sekolah Wilayah Persekutuan Labuan (MSSWPL) 2017 bermula hari ini sehingga 1 April (Sabtu petang, Majlis Penutupan) di Kompleks Sukan Labuan.

Dalam ucapan perasmian, Pengarah Pendidikan Negeri, Encik Raisin Saidin mengharapkan para atlet dapat memupuk semangat juang tinggi, semangat kesukanan, mengembangkan bakat dan minat serta kebolehan masing-masing yang akhirnya memperoleh kejayaan membanggakan.

Beliau mendoakan para atlet semoga berjaya bukan sahaja di peringkat Labuan malah boleh mencapai kejayaan sehingga peringkat kebangsaan dan antarabangsa bagi mengharumkan nama Labuan.

Sementara itu, Pengelola bersama Encik Sahar Misron, Pengetua SMK Pantai IBWS dan Puan Mahani Hj Hussin, Guru

Besar SK Pantai berharap kejohanan ini dapat berjalan dengan lancar seperti yang dirancang.

Kejohanan balapan dan padang dapat dilaksanakan dengan jayanya melalui kerjasama dan komitmen setiap AJK dari semua sekolah di Labuan.



Gambar Kenangan : Encik Raisin Saidin bersama para atlet SMK Mutiara

“Kepada para ibubapa dan masyarakat sekitar Labuan, maitah badudun ke Kompleks Sukan Labuan bagi memberi sokongan dan memeriahkan lagi Kejohanan Balapan dan Padang Majlis Sukan Sekolah Wilayah Persekutuan Labuan 2017”, demikian kata-kata promosi dari Ketua Unit Sukan JPWPL Encik Ag. Mohd Zain Ag Anak.

“MAITAH BADUDUN KE MSSWPL, KOMPLEKS SUKAN LABUAN 29 MAC – 1 APR 2017”



Acara saringan balapan 100 meter Kategori Sekolah Rendah

**Maitah Badudun, Mesra
Kampung, Generasi Cemerlang**



Labuan, 25 Mac – Maitah badudun Mesra Kampung merupakan bahasa tempatan Labuan yang bermaksud mari berkunjung bagi mengeratkan hubungan dengan warga kampung demi membina generasi yang cemerlang.

Inisiatif Jabatan Pendidikan WP Labuan ini bertujuan memantapkan pemuafakatan komuniti ke arah perubahan paradigma seluruh anggota masyarakat mengenai kepentingan keterlibatan semua pihak dalam pendidikan.

Program ini telah disempurnakan oleh YB Datuk Rozman bin Datuk Hj Isli, Ahli Parlimen P166 Labuan. Beliau mengucapkan syabas dan tahniah kepada Jabatan Pendidikan dan semua warga kerja termasuk ketua-ketua kampung yang telah menjayakan aktiviti Maitah Badudun ini.

Program ini amat penting dalam mendekatkan pendidikan dengan masyarakat kampung bagi menjalin kerjasama dan hubungan yang baik ibubapa dan guru, seterusnya dapat membantu menjayakan visi mencemerlangkan pendidikan di Labuan.

Dalam ucapan aluan, Encik Raisin Saidin, Pengarah Pendidikan Labuan telah mengemukakan idea menubuhkan Majlis Perwakilan Pelajar (MPP) sebagai usaha untuk melahirkan pemimpin-pemimpin masa hadapan yang boleh berperanan di peringkat nasional dan global pada zaman

mereka.

Beliau juga mengucapkan terima kasih kepada YB Datuk Rozman atas kesudian melapangkan masa bersama warga pendidik dan masyarakat kampung.



Program bermula seawal 8 pagi dimulai dengan ucapan pendahuluan oleh Ketua Kampung Sungai Bedaun, Encik Mursidi Mokhtar. Ketua Penolong Pengarah BTPN Encik Ag Marten Hj Abdul Rahman dan Pengarah Jabatan Pelancongan, Kebudayaan Kesenian Perbadanan Labuan Encik Mahathir Abd Hamid yang merupakan anak jati kampung Sungai Bedaun telah berkongsi ilmu mengenai VLE frog dan amalan terbaik kepada ibubapa dan anak-anak murid serta para hadirin yang hadir.

Seterusnya Puan Mimie Duasah Pengarah Perpaduan Negara dan Integrasi Nasional dan Encik Ishak Aku Abd Rahman, Pengarah Jabatan Kebajikan Masyarakat Labuan juga tidak ketinggalan membuat taklimat bagi menerangkan dan mempromosikan fungsi jabatan masing-masing. Diakhiri dengan taklimat promosi dari Kolej Vokasional Labuan.



Sijil Penghargaan kepada Encik Ishak dan Puan Mimie

Urusetia program, Puan Zaleha, Ketua Unit Perhubungan, Pendaftaran dan Pendidikan Swasta menyatakan program ini dijalankan mengikut zon di mana zon kali ini terdiri daripada Kampung Sungai Badaun sebagai tuan rumah, Kampung Sungai Buton, Kampung Sungai Miri, Kampung Bebuloh, Kampung Belukut dan Kampung Sungai Lada. Manakala sekolah yang terlibat ialah SMK Ranche-Ranche, SMK Taman Perumahan Badaun, SK Sungai Lada, SK Sungai Badaun dan SK Bebuloh.

Program diakhiri dengan makan beramai-ramai di mana makanan tersebut dimasak dan dibawa sendiri oleh warga kerja yang menyediakan resepi makanan kampung yang cukup sedap dan menyelerakan. Program Maitah Badudun, Mesra Kampung seterusnya akan diadakan di Kampung Layang-Layangan sebagai tuan rumah yang dijangka pada bulan April 2017.



Penghargaan kepada ibubapa : Dari kiri Encik Raisin Saidin, YB Datuk Rozman, ibubapa, Encik Mursidi, Encik Ag Marten dan Encik Mahathir

16 Mac 2017



Hari ini SMK Taman Perumahan Bedaun
Letaknya di Wilayah Persekutuan Labuan
Labuan ini Pulau bertuah
Menjadi saksi suatu kejayaan

Anak anak Cemerlang SPM dinobatkan
Satu persatu disebut namanya
Disambut tepukan gemuruh
Tampil ke pentas penuh yakin
Diiringi ibu dan bapa tersayang

Ada juga yang hanya bapa bersama
Ada juga yang hanya ibu bersama
Ada juga yang datang seorang diri
Bila ditanya mana bapa, mana mak
Lantas dijawab...tidak dapat datang
Jauh sana Ranau
Angguk Faham...

Hari ini SMK Taman Perumahan Bedaun
Sebelahnya Taman Perumahan Mutiara di Wilayah Persekutuan
Labuan
Menjadi saksi satu persatu sekolah disebut

5 Sekolah diumumkan meningkat prestasi
4 lagi diumumkan juga
tapi tidak sama ceritanya dengan
Kolej Vokasional hanya subjek Sejarah & Bahasa Melayu

Laut fikirku terkenang
Yang gagal lantas tidak layak
Dianugerahi Sijil SPM 2016

Siapa mereka ?
Ke mana mereka selepas 16 Mac 2017?

Puisi Nukilan :
Raisin Saidin
Mac 2017



Pengarah bersama pelajar cemerlang
yang berasal dari Ranau : Elliza
Doinis dan Dvercillia Suali, SM

Peluang Lulusan SPM Gapai Impian menerusi Kolej Universiti Yayasan Sabah



Labuan, 20 Mac – Pejabat Pengarah Pendidikan Negeri telah dikunjungi oleh Pengurusan Kolej Universiti Yayasan Sabah bagi mempromosikan Kolej Universiti tersebut, baru-baru ini.

Kolej Universiti Yayasan Sabah (UCSF) merupakan sebuah kolej milik penuh Yayasan Sabah yang menawarkan pelbagai program kepada lulusan SPM.

Pengarah Pendidikan Negeri, Encik Raisin Saidin menyokong

penuh hasrat Kolej Universiti ini untuk menjadi sebuah pusat pengajian yang dapat melahirkan graduan mahir bagi memenuhi keperluan tenaga kerja di masa akan datang.

Perubahan corak pendidikan, jelas beliau, adalah sebahagian daripada proses perkembangan pendidikan terutama dalam melahirkan tenaga kerja mahir yang sesuai dengan tuntutan semasa.

Antara program yang ditawarkan di Kolej tersebut adalah seperti Diploma dan Ijazah Sarjana Muda dalam Perakaunan, Pengurusan Perniagaan, Hotel dan Pelancongan. Selain itu turut ditawarkan Diploma dalam Animasi, Seni serta Diploma dan Ijazah Sarjana Muda Sains Sosial.

Kepada Lulusan SPM yang berminat boleh melayari portal kolej tersebut di alamat www.ucsf.edu.my .

PROGRAMMES

* Terms & Conditions Apply



ENGLISH

CERTIFICATE _____

- Intensive English Programme (IEP)
(MOE Approved)



ART & DESIGN

DIPLOMA _____

- Diploma in Animation
(IPT/BBP(PAS22)10/20)
- Diploma in Fine Arts
(IPT/BBP(PAS22)10/20)
- Diploma in Screen Arts
(IPT/BBP(PAS22)10/20)
- Diploma in Visual Arts & Design
(IPT/BBP(PAS22)10/20)



BUSINESS & HOSPITALITY

DIPLOMA _____

- Diploma in Accounting
(IPT/BBP(PAS22)10/20)
- Diploma in Business Management
(IPT/BBP(PA7190)10/20)
- Diploma in Event Management
(IPT/BBP(PAS497)05/20)
- Diploma in Hotel Management
(IPT/BBP(PAS498)04/20)
- Diploma in Tourism Management
(IPT/BBP(PA1920)08/18)

DEGREE _____

- Bachelor of Accountancy (Hons.)
(IPT/BBP(PA3470)06/19)
- Bachelor of Business Administration (Hons.)
(IPT/BBP(PAS558)01/19)
- Bachelor of Entrepreneurship (Hons.)
(IPT/BBP(PAS519)02/19)
- Bachelor of Hospitality & Tourism Management (Hons.)
(IPT/BBP(PAS524)11/20)



SCIENCES

PRE-U _____

- Foundation in Science
(IPT/BBP(PAS703)10/20)

DEGREE _____

- Bachelor of Science (Hons.) in Sustainable Resource Management & Conservation
(IPT/BBP(PAS499)11/20)



SOCIAL SCIENCES

DIPLOMA _____

- Diploma in Media & Cultural Studies
(IPT/BBP(PA8182)09/21)

DEGREE _____

- Bachelor of Arts (Hons.) in Multiculturalism
(IPT/BBP(PA8011)04/21)
- Bachelor of Arts with Honours in Development Studies with Media Communication
(IPT/BBP(PA8010)07/21)



ucsf.edu.my



ucsfSabah



ucsfmalaysia

Approved by :

KEMENTERIAN PENDIDIKAN TINGGI
MINISTRY OF HIGHER EDUCATION

Jalan Sanzac, Sembulan 88100, Kota Kinabalu, Sabah, MALAYSIA

+6 088 511 111 +6 088 511 100

Accredited by :

Agensi Kelayakan Malaysia
Malaysian Qualifications Agency

012 - 8394819 (Rozianah) / 019 - 8030915 (Ivy) / 019 - 8975692 (Atiqah) enquiry@ucsf.edu.my



UNIVERSITY COLLEGE SABAH FOUNDATION

SPM 2016 : GPN WP Labuan Meningkatkan



Labuan, 16 Mac – Gred Purata Negeri (GPN) bagi peperiksaan Sijil Pelajaran Malaysia (SPM) 2016 Wilayah Persekutuan Labuan mencatatkan peningkatan dengan pencapaian 5.08 berbanding 5.34 pada tahun 2015.

Kejayaan itu diumumkan oleh Pengarah Pendidikan Negeri, Encik Raisin Saidin di Sekolah Menengah Kebangsaan Taman Perumahan Bedaun di sini, hari ini.

Encik Raisin Saidin berkata, pencapaian tersebut mencatatkan peningkatan sebanyak 0.26 sekali gus mengatasi Gred Purata Nasional (GPN) iaitu 5.10. Seramai 960 orang calon sekolah kerajaan telah menduduki peperiksaan ini di 9 buah pusat peperiksaan dan seramai 825 orang calon layak mendapat sijil dengan jumlah peratus 85.94% berbanding 82.49% tahun 2015, peningkatan sebanyak 3.45%.

Seramai 19 orang pelajar cemerlang sekurang-kurangnya A- dalam semua mata pelajaran dengan jumlah peratus 1.98%

berbanding 12 orang calon 1.35% tahun 2015.

Peningkatan sebanyak 0.63%. Sebanyak 21 mata pelajaran juga mengatasi pencapaian peringkat nasional, 7 mata pelajaran menyamai pencapaian nasional dan hanya 7 mata pelajaran di bawah pencapaian peringkat nasional.

Mohd Aiman Hazim bin Janawe dari SM Sains Labuan dinobatkan sebagai pelajar terbaik SPM 2016 peringkat Wilayah Persekutuan labuan dengan mendapat keputusan 8(A+), 1(A).

Setinggi-tinggi tahniah dan syabas kepada semua pelajar yang cemerlang, ibu bapa, pengetua dan guru-guru sekolah yang terlibat mendidik mereka.

Semoga kejayaan ini akan menjadi pendorong kepada pelajar-pelajar lain untuk mencipta kecemerlangan yang sama atau lebih hebat di masa akan datang. Kepada yang kurang berjaya, teruskan usaha dan terus berusaha.



Salah seorang pelajar cemerlang SPM 2016 : Mohd Azhan Fikry bin Omar Baki bersama Pengarah Pendidikan dan ibu bapa

Berikut adalah senarai 19 pelajar cemerlang SPM 2016 bagi WP Labuan :

1. Mohd Aiman Hazim bin Janawe – SM Sains

8(A+), 1(A)

2. Shau Yunn Yi – SMK Labuan

7(A+), 3(A), 1(A-)

3. Muhammad Irsyad bin Ibrahim – SM Sains

7(A+), 2(A)

4. Nurul Nadia Nabilah binti Rahman – SM Sains

Jonathan Juliman – SM Sains

6(A+), 3(A)

5. Nur Atira Syahmina binti Yusri – SM Sains

Nur Aisyah binti Ismail – SMK Labuan

Wendy Chai Yee Hwa – SMK Labuan

5(A+), 3(A), 1(A-)

6. Tan Jin Ping – SMK Labuan

3(A+), 6(A), 2(A-)

7. Hafizin Syahmi bin Suhaili – SM Sains

3(A+), 6(A)

8. Mohd Azhan Fikry bin Omar Baki – SM Sains

3(A+), 4(A), 2(A-)

9. Ashrulnizam bin Awang Aman – SM Sains

3(A+), 1(A), 5(A-)

10. Vinson Lau Wei Ping – SMK Labuan

2(A+), 4(A), 4(A-)

11. Elliza Doinis – SM Sains

2(A+), 5(A), 2(A-)

12. Abdul Azib bin Azali – SM Sains

2(A+), 3(A), 4(A-)

13. Vivien Chan Yee Wen – SMK Labuan

1(A+), 5(A), 4(A-)

14. Dvercillia Suali – SM Sains

1(A+), 5(A), 3(A-)

15. Sherry Leon Ambang – SM St Anne

1(A+), 5(A), 3(A-)

16. Madnizar bin Bairik – SM Sains

6(A), 3(A-)

Memperkukuh STEM Melalui Pertandingan School Lab



Labuan, 15 Mac – Jabatan Pendidikan melalui Unit Sains dan Matematik telah menganjurkan pertandingan School Lab antara sekolah-sekolah menengah di Wilayah Persekutuan Labuan.

Menurut Encik Imbran Yunus, Ketua Unit Sains dan Matematik sebanyak lapan pasukan layak ke pertandingan akhir dalam pertandingan yang julung kali diadakan sebagai sokongan kepada inisiatif STEM. Setiap pasukan diwakili oleh 3 hingga 5 murid Tingkatan 1 hingga 3 dan

dipersembahkan dalam tempoh 3 hingga 5 minit. Tema persembahan meliputi tajuk-tajuk yang terdapat di dalam kurikulum mata pelajaran Sains.

Pengarah Pendidikan Jabatan WP Labuan, Encik Raisin Saidin telah merasmikan pertandingan ini yang bertempat di Bilik Benua, Bahagian Teknologi Pendidikan Negeri (BTPN).

Dalam ucapannya, beliau berharap agar aktiviti ini dapat menimbulkan minat mendalam murid kepada STEM dan menjadi pemangkin kepada kecemerlangan akademik murid selaras dengan slogan Kecemerlangan Akademik Kebitaraan Labuan.

Pembelajaran STEM adalah antara agenda yang diberikan penekanan dalam Pelan Pembangunan Pendidikan Malaysia (PPPM) 2013-2015. Sehubungan dengan itu, Kementerian Pendidikan Malaysia (KPM) giat berusaha memantapkan pendidikan STEM untuk menarik lebih ramai murid menceburinya di peringkat sekolah melalui aktiviti kurikulum dan kokurikulum dengan sokongan pelbagai pihak.

Selaras dengan matlamat pendidikan kebangsaan yang bertujuan untuk menyuburkan potensi murid dalam semua aspek perkembangan iaitu intelek, jasmani, rohani dan emosi, pembelajaran STEM berperanan membantu murid agar dapat membina kepakaran diri secara kolektif dan menyiapkan diri dalam pertanggungjawaban sosial.



Para pemenang bergambar kenangan bersama Pengarah Pendidikan WP Labuan

Encik Raisin Saidin mengucapkan syabas dan tahniah kepada pasukan yang menang dan tahniah juga kepada semua pasukan yang berani menyahut cabaran dengan menyertai pertandingan ini. Semoga pertandingan ini bukan hanya mengejar kemenangan semata-mata tetapi harus dilihat sebagai suatu pembelajaran bagi mencipta kejayaan di masa mendatang.

Turut hadir, Puan Maszuraini binti Miswan, Penolong Pengarah Bahagian Perancangan dan Penyelidikan Dasar Pendidikan, KPM dan Ketua Sektor Pengurusan Akademik, Puan Norismah Hj. Ab Moin.



Tahniah ! Johan Pertandingan School Lab Peringkat WP Labuan daripada SMK Mutiara.

Kumpulan Inovatif dan Kreatif Guru Labuan Sahut Cabaran



13 pasukan Kumpulan Inovatif dan Kreatif (KIK) guru daripada 4 sekolah menengah dan 9 sekolah rendah WP Labuan telah hadir menimba ilmu KIK pada 10 – 11 Mac 2017 bertempat di Sekolah Menengah Sains Labuan. Bengkel ini merupakan persediaan para guru Labuan untuk pertandingan KIK Peringkat Negeri dan Kebangsaan yang dijangka berlangsung pada bulan Mei dan Oktober 2017.

Majlis penutupan telah disempurnakan oleh Puan Khaziyati Osman, Ketua Sektor Jaminan Kualiti, Jabatan Pendidikan Wilayah Persekutuan Labuan. JPWPL merakamkan penghargaan dan terima kasih kepada para pegawai daripada Jabatan Bomba Wilayah Persekutuan Labuan terdiri dari Penolong Penguasa Bomba Tuan Pain Muzal, Pegawai Bomba Kanan Encik Azri Abdullah, Pegawai-pegawai Bomba Encik Zulizan Chee Nyau Kee, Encik Azizul Adam dan Encik Mohd Kasran Denah yang sudi berkongsi kepakaran dalam penyediaan dokumentasi pengurusan teknikal berkaitan KIK.

KIK berperanan penting dalam pembangunan modal insan

dimana setiap individu secara intensif dibimbing, dilatih dan dibangunkan untuk lebih menghayati misi, visi dan hala tuju organisasi. Setiap peserta KIK diberi peluang yang sama rata dalam menyumbangkan idea dan pendapat, seterusnya melaksanakan langkah-langkah penyelesaian masalah atau penambahbaikan terhadap proses kerja sedia ada.

Secara tidak langsung, KIK turut melatih pelbagai lapisan anggota organisasi untuk tampil berani dalam merangka dan menyusun gerak kerja serta melaksanakan tindakan perubahan ke arah memantapkan keupayaan sumber manusia yang ada demi kejayaan organisasi.

Puan Khaziyati Osman mengucapkan syabas dan tahniah kepada peserta bengkel kerana telah berjaya membentuk pasukan dan berani menyahut cabaran menyertai KIK demi meningkatkan mutu pembelajaran dan pemudacaraan (PdPc) di sekolah.

Tahniah dan syabas juga kepada Unit Kualiti dan Inovasi yang diketuai oleh Encik Arief Gunawan Ramlee dan dibantu oleh Cik Hevylien Samuel serta Jurukamera Encik Marzuki kerana telah berjaya menguruskan kolaborasi dan mewujudkan jalinan dengan pihak Jabatan Bomba WP Labuan.



Dari Guru Kepada Guru



9 Mac – Pemilihan tema perhimpunan bulanan Jabatan Pendidikan Wilayah Persekutuan Labuan (JPWPL) bagi bulan Mac iaitu **Dari Guru Kepada Guru** seiring dengan kesinambungan memartabatkan pembelajaran abad ke 21 (PA 21) di Labuan.

Jabatan Pendidikan Wilayah Persekutuan Labuan sentiasa bersungguh-sungguh dalam mengetengahkan dan mencungkil bakat guru Labuan yang cemerlang dalam PA 21. Guru perlu mempunyai pengetahuan dalam konsep PA 21, agar mereka dapat memahami dan menghayati seterusnya membudayakan aktiviti PA 21 di sekolah masing-masing. Demikian amanat penting yang disampaikan oleh Pengarah Pendidikan JPWPL, Encik Raisin Saidin di BTPN Labuan.

Beliau menyeru pentadbir sekolah agar menyemarakkan dan menyebatkan PA21 di kalangan guru agar hasilnya nanti dapat dituai melalui kemenjadian murid-murid di Wilayah Persekutuan Labuan.

Sebagai contoh mengadakan kuiz yang berkonsepkan kemahiran berfikir aras tinggi (KBAT). PA21 bukan

berkaitan infrastruktur semata-mata tetapi aplikasi menggunakan sumber sedia ada iaitu menerapkan nilai 4C dalam PdP (*Creator, Communication, Collaboration, Critical Thinking*), katanya lagi.

Encik Omar Baki Matusin, Pengetua SMK Ranche-Ranche telah membentangkan inovasi QR Code iaitu pemantauan masa mengajar guru secara sistematik.

Manakala Encik Hyginus Lester Junior Lee dari SMK Mutiara juga telah berkongsi mengenai pembelajaran abad 21 melalui inovasi '*Exit Card*'. Beliau telah dinobatkan sebagai Guru Tauladan bagi amalan PdPc abad ke 21 bagi bulan Mac. Tahniah diucapkan dan teruskan kecemerlangan.

Encik Raisin juga menzahirkan rasa syukur dan mengucapkan syabas tahniah kepada warga JPWPL di atas kejayaan mencatat 96.88% dalam auditan EKSA oleh pasukan audit dari JPN Sabah.

Semua ini adalah hasil komitmen dan kesungguhan warga JPWPL dalam merealisasikan program Ekosistem Kondusif Sektor Awam secara berpasukan.

Semoga usaha murni ini dapat dilaksanakan secara istiqamah iaitu sentiasa amal dan seterusnya mendapat kejayaan dalam pengauditan dari MAMPU yang dijangka akan berlangsung pada bulan April 2017.

Sempena dengan perhimpunan itu juga telah dilancarkan JPWPL Sana Sini (www.jpwpl.gov.my/sanasini) iaitu portal berita rasmi pendidikan di Wilayah Persekutuan Labuan.



**Jalinan kerjasama SPRM dan
Financial Park Labuan**



1 Mac – Suruhanjaya Pencegahan Rasuah Malaysia (SPRM) Labuan telah membuat kunjungan hormat ke Jabatan Pendidikan Wilayah Persekutuan Labuan (JPWPL) yang diketuai oleh Pengarahnya sendiri, Encik Abdulamin Abdillah.

Encik Raisin Saidin, Pengarah JPWPL sangat berbesar hati dan berharap kunjungan hormat ini dapat memperkukuhkan lagi hubungan baik di antara SPRM Labuan dengan JPWPL yang sedia terjalin sebelum ini.

Beberapa perkara telah dibincangkan berkaitan pendidikan dan integriti. Dalam perjumpaan tersebut, kedua-dua pihak bersetuju untuk saling berkerjasama dalam mendidik warga pendidikan berkaitan kepentingan budaya integriti khususnya kepada pelajar-pelajar tingkatan 5 dan 6 yang bakal menempuhi dunia pekerjaan kelak.

Turut hadir Puan Maimoon Matnoh, Ketua Sektor Pengurusan Sekolah dan Encik Asbola Amit, Ketua Sektor Pengurusan Pembangunan Kemanusiaan.



2 Mac – Pengarah Jabatan Pendidikan Wilayah Persekutuan Labuan (JPWPL), Encik Raisin Staidin telah menerima kunjungan hormat dari Pengurusan Financial Park Labuan di pejabatnya pada hari ini.

Kunjungan tersebut diketuai oleh Mr. Subramaniam Muniandy, Pemangku Pengarah Urusan Financial Park Labuan disertai Encik Ishammudin Mansor (Pengurus Projek).

Kunjungan hormat ini bertujuan menjalinkan hubungan kerjasama antara Financial Park Labuan dan JPWPL dalam aspek yang boleh dibuat bersama terutamanya dalam aktiviti pendidikan untuk kebaikan anak-anak murid di Labuan.

Hasil kunjungan ini, Financial Park Labuan bersetuju membenarkan premis FPL digunakan untuk program Karnival Bahasa Inggeris secara percuma. Program ini dijangka akan berlangsung pada 1 April 2017 di bawah penyelarasan Cik Suriani Oxley, Pegawai SISC+, JPWPL.

Pihak JPWPL mengucapkan berbanyak-banyak terima kasih kepada pihak pengurusan Financial Park Labuan. Semoga jalinan usahasama yang berterusan dapat menyokong pembangunan pendidikan di Wilayah Persekutuan Labuan.

STPM 2016 : 31 calon dapat PNGK 3.00 ke atas



28 Februari – Seramai 31 calon mendapat Purata Nilai Gred Kumulatif (PNGK) 3.00 ke atas bagi Sijil Tinggi Persekolahan Malaysia (STPM) peringkat Wilayah Persekutuan Labuan 2016.

Majlis pengumuman keputusan Sijil Tinggi Persekolahan Malaysia (STPM) tahun 2016 telah diumumkan oleh Puan Norismah Hj Ab Moin, Ketua Sektor Pengurusan Akademik wakil rasmi Pengarah Pendidikan Jabatan Pendidikan Wilayah Persekutuan, Encik Raisin bin Saidin.

Pada tahun 2016 seramai 123 calon sekolah kerajaan telah menduduki peperiksaan ini di Wilayah Persekutuan Labuan. Prestasi Wilayah Persekutuan Labuan bagi lulus penuh ialah 99.19%, manakala pencapaian Gred Purata Negri ialah 2.54 meningkat sebanyak 0.13 berbanding tahun sebelumnya.

Marisel Gabriel Moinjil dan Nurisfarini binti Sulong telah

dinobatkan sebagai pelajar terbaik STPM 2016 peringkat Wilayah Persekutuan Labuan dengan mendapat PNGK 3.92. Antara pelajar lain yang mendapat keputusan cemerlang, Danial Firdaus bin Derin (PNGK 3.84), Juhriana binti Jamal (3.67), Mashnizah binti Romiu (3.67), Siti Faizah Halwa binti Wardi(3.67), Nur Syafiqa binti Ismail (3.58) dan Ellie Zawanie binti Dollah (3.50).



Puan Norismah berkata, “Alhamdulillah pada tahun ini keputusan STPM 2016 peringkat Wilayah Persekutuan Labuan meningkat dari segi Gred Purata Negeri dan jumlah calon cemerlang berbanding tahun sebelumnya. Saya mengucapkan syabas dan tahniah kepada semua pelajar, ibu bapa, pengetua dan guru-guru yang terlibat mendidik mereka hingga berjaya dengan cemerlang. Semoga kejayaan mereka akan menjadi pendorong kepada murid-murid lain untuk mencipta kecemerlangan yang lebih hebat di masa akan datang”.

“Saya yakin kejayaan yang dikecapi adalah hasil daripada usaha dan perancangan yang rapi ibu bapa, pelajar, guru-guru, pentadbir sekolah, komuniti dan juga pihak Jabatan Pendidikan Wilayah Persekutuan Labuan dan Kementerian

Pendidikan Malaysia. Sesungguhnya permuafakatan dan kerjasama semua pihak turut menyumbang kepada kecemerlangan ini”.



Sementara itu, Pengetua SMK Labuan Ismail Abdullah juga mengucapkan syukur STPM 2016 telah menunjukkan peningkatan bagi bagi gred purata dan jumlah calon cemerlang. Beliau juga mengucapkan tahniah kepada semua pelajar SMK Labuan yang berjaya memperolehi keputusan cemerlang dalam peperiksaan itu.

Katanya, kejayaan itu sudah tentu adalah hasil usaha gigih pelajar yang dibantu guru-guru serta dorongan ibu bapa. “Saya ucapkan tahniah kepada pelajar cemerlang yang mengharumkan nama SMK Labuan. Terima kasih juga kepada guru-guru yang mendidik pelajar terbabit,” katanya.



Dalam kenyataan berasingan, Pengarah Jabatan Pendidikan Wilayah Persekutuan Labuan, Encik Raisin bin Saidin hari ini berkata :

“Pertamanya saya ingin memanjatkan kesyukuran setingginya ke hadrat Allah S.W.T di atas peningkatan prestasi STPM 2016 peringkat Wilayah Persekutuan Labuan. Saya merakamkan ucapan syabas dan tahniah kepada Ketua Sektor Pengurusan Akademik yang menjadi sektor peneraju peningkatan prestasi akademik. Demikian juga kepada sektor-sektor lain yang bertanggungjawab dari segi pengurusan guru yang diterajui oleh Sektor Pengurusan Sekolah bagi memastikan kecukupan guru, Sektor Jaminan Kualiti dari aspek kepimpinan guru dan pentadbir sekolah”.

“Selain itu, Sektor Pengurusan Pembangunan dan Kemanusiaan bagi pengurusan perkembangan murid, Sektor Pengurusan Maklumat yang memainkan peranan dalam mengurus data-data yang lengkap, Sektor Khidmat Pengurusan dan Pembangunan dari aspek pengurusan perkhidmatan dan pembangunan sekolah, Sektor Psikologi dan Kaunseling dari aspek kerohanian serta KPP BTPN yang mengurus teknologi

pendidikan sekolah juga mempunyai peranan dalam peningkatan prestasi ini”.

“Saya amat yakin bahawa prestasi anak-anak murid kita dalam STPM akan terus meningkat dari semasa ke semasa dan marilah kita sama-sama menggembleng segala usaha dan tenaga dalam satu pasukan yang kuat bagi melonjakkan prestasi STPM bagi tahun 2017. Syabas dan tahniah”.

“Kepada Sektor Penilaian dan Peperiksaan, saya juga mengambil kesempatan merakamkan ucapan syabas dan tahniah di atas pengendalian peperiksaan STPM, pelaksanaan MUET sehinggalah kepada pengumuman keputusan kelmarin yang telah diurus dengan begitu sempurna. Saya berharap agar kewujudan Sektor Penilaian dan Peperiksaan mulai tahun 2017 di Jabatan Pendidikan Wilayah Persekutuan Labuan ini, akan terus memacu kecemerlangan pengurusan peperiksaan awam di Wilayah Persekutuan Labuan. Syabas dan tahniah Ketua Sektor Penilaian dan Peperiksaan dan warganya. Terima Kasih”.